

Universitätsbibliothek Paderborn

**Joannis Bonae, Eminentissimi S. R. E. Titulo S. Bernardi
Ad Thermas Cardinalis Presbyteri Opera Quotquot
hactenùs separatim edita fuerê Omnia**

Bona, Giovanni

Antverpiae, 1677

§. 3. Litania quid sit, & quotplex. Litaniarum vis & efficacia.

urn:nbn:de:hbz:466:1-10805

§. IV.

Litania quid sit, & quotuplex. Litaniarum vis, & efficacia.

I. **G**ræca vox *Litania*, si genuinam nominis significationem spectemus, seriam omnem, & ardenter precationem significat, à verbo *λιτανεῖν*, quod ardenter orationem importat. Apud Homerum, qui aliquem enixè precantur, *λιτανοὺς* vocantur, & in quadam Epigrammate Græco infernus *λιτανοὶ*, id est, inexorabilis, non ineleganter nuncupatur, quod nullis precibus flecti possit. Usu tamen receptum est, ut pro certa quadam Ecclesiasticae supplicationis specie, qua Dei misericordiam, sanctorumque patrocinium invocamus, *Litaniæ* nomen usurpetur. Accipitur etiam quandoque pro solo *Kyrie eleyon*, tum in Græcis sanctorum Jacobi, Basilii, & Chrysostomi Liturgiis; tum à D. Benedicto ^u in regula dum ait, *Supplicatio Litanie*, id est, *Kyrie eleyon*, & sic finiantur vigiliae nocturnæ: itemque *Litaniæ*, & compleatum est. Monachi enim post versum dicunt ter *Kyrie eleyon*, deinde sequitur oratio Dominica, postea collecta, & sic finitur tam nocturna, quam diurna synaxis. Hanc autem supplicationem *Kyrie eleyon* commendat Epistetus Stoicus apud Arianum ^v: & Virgilius ^y preces Turni ad Faunum describens ait, *Fame precor miserere*. Quia verò multoties solent *Litanie* processionaliter cantari, ipsa multitudo ^z *λιτανούσις*, & procedentium ab ordine Romano, & ab aliis *Litania* vocatur. Abbas Joannes ^w in prato spirituali narrans cuiusdam Episcopi humilitatem; Pettranseunte, inquit, *Litania*, id est processione. Nos hic de illis *Litanis* loquimur, quibus sanctorum invocatio continetur, quarum usum multo ante Gregorii Magni tempora viuisse libello primo de *Litanis* eruditissime probat Nicolaus Serarius ^x tot antiquorum Patrum sententiis, tot veteris Historia exemplis, tot validis rationum momentis, ut nec ejus diligentiae quicquam addi possit, nec sectarii novatores tam insignia antiquitatis testimonia ulli valent exceptione submovere. Nullus certus auctor proferri potest, qui Sanctorum *Litanias* primus invenerit; quamvis speciales quasdam,

^u Ben. c. 9. ^v 12. ^x Arian. l. 2. c. 7. ^y Virgil. l. 12. ^z Aeneid. ^w Prat. spirit. c. 210. a Serarius tom. 3. opusc. de litan. l. 1. c. 4.

nempè majores, quas vocant, in die S. Marci à B. Gregorio Magno; triduanas verò rogationes ante Dominicam Ascensionem à S. Marmerto Episcopo Viennensi circa annum Domini 452. institutas fuisse non contemnendi auctores affirmant. De utraque institutione legendus Serarius ^b libro de Processionibus. Ehi ergo *Litaniarum* quarundam, quā processiones sunt, auctor aliquis ex antiquitate proferri possit, non tamen quā precatio[n]es, nec quā in iis sancti exorantur; sed ille ab Apostolicis viris inductæ, quovis etiam vetustissimo auctore ventiores reputantur. Quin docti plerique sentiunt, inter quos Jansenius ^c, & Baronius ^d, Christi Domini tempore jam usitatas Hierosolymis supplicationes, in quibus frequentissimè suum illud *Osanna* repetebant. Extant Hartmanni, Ratperi, Notkeri, & alterius Anonymi Monachorum S. Galli apud Helvetios versus quidam, & rhythmi, quibus *Litanie* continentur in Bibliotheca veterum Patrum editionis Coloniensis ^e. Psalmis verò Poenitentialibus sacras *Litanias* recte adjungi quis neget. In his enim primò misericordiam Dei supplici confessione imploramus; Tum Reginæ celorum pedibus provoluti miseriam nostram potentissimæ mediatrici commendamus. Non omittimus Angelorum Principes, & omnes sanctos beatorum spirituum ordines supremâ naturæ dignitate sublimes, non Patriarchas divinâ familiaritate illustres, non Prophetas futurorum scientiâ conspicuos, non Apostolos Ecclesiae Principatu glriosos, non Martyres charitatis ardore succensos, non Confessores virtutum omnium splendore coruscos, non virgines illibati pudoris candore præfulgidas, non omnes denique celestis curia cives, amicos Dei, & Principes universæ terræ. Petimus autem in *Litanis* pro omni statu hominum universi generis bona, humana, divina, publica, privata, quæ ad animam, & quæ ad corpus spectant.

^b Serarius l. 2. de process. c. 7. ^c 8. ^e Jansen. in concord. cap. 110. ^d Baron. ann. 34. num. 5. ^f Tom. 15.

METRUM XXXI.

Densa triumphali video procul agmina pompa,
Aique bilares, placidasque choros.
Plurima pars niveis, variis pars altera fulget
Vestibus, auratisque stoln. Zamb

Jam sinuosa loves rapuerunt stemmata venti,
 Tumque micant pia signa crucis.
 Tartarea Christi propellit imago phalanges,
 Et superi properant cives.
 Ordo Sacerdotum venerandaque turba canoris
 Carminibus passim exultant.
 Jam devota sacris aperitur scena viretis
 Jam sanctæ resonant voces.
 Alternis precibus pueri, innuptæque puellæ,
 Atque senes, juvenesque canunt.
 Ter circum viridi tremuerunt vertice colles,
 Ter longè tremuit tellus,
 Terque repercussæ resonabilis edidit Echo
 Voices, ter sonuerat specus.
 Audio divinæ dotes, titulosque parentis,
 Audio virginem laudes.
 Sed prius Ingeniti, Genitique, & Pneumatis almi
 Placarunt precibus Numen.
 Tum puras, celeresque canunt sine corpore mentes,
 Ter triplici agmine distinctas.
 Nec veteres reticunt Patres, mundique parentes,
 Et sacros recinunt vates.
 Quos & Apostoli sequitur sacra turba Senatus,
 Magnaque Discipulorum acies.
 Et pueri infantes, rabies quos sœva Tyranni
 Sustulit è gremio matrum.
 Vos quoque commemorant partem qui morte coronam
 Vertice sacroto geritis.
 Et vos Pontifices, & quos sine sanguine virtus
 Vicinos dedit esse Deo.
 Postea fœminæ celebratur candida sexus
 Virginitas, castusque pudor.
 Sic omnes cœli proceres, patriæque beatos,
 Sollicitant precibus cives.
 Denique per Christi mysteria sancta precantur,
 Annuat ut votis Numen.
 Sic prouid omne malum, dei prosperæ cunctæ sereno,
 Respiciat populum vultu.
 Utque Dei mitis, mundi qui crimina tollit,
 Agnus sit misericordia.
 Ista tñ effati retinent: sed multa perorat
 Probus humi sacer Antistes
 Et cum sancta preces plebs finiit, æthera pulsant
 Plausus, ac tremulæ voces.
 Pictaque tolluntur Christi vexilla, recedit
 Hinc chorus, & repetit templum.
 Tum subito Aligerum manibus collecta feruntur
 Ante Deum populi vota.
 Annuit his Numen, divinaque munera terris
 Divite largitur dextræ.
 2. Difficillimum foret varios, & admirabiles
 Litaniarum effectus è probatissimis Ecclesiasticæ

Historiæ monumentis collectos recensere. In tanta enim exemplorum ubertate quid potissimum feligere, quid omittere debeam ignoro. Dicam tamen aliqua, quæ satis fuerint, ut maximam supplicationum utilitatem Ecclesiasticis viris commendent. Litanis magnum Basiliū obseratum Nicæ templum sine clavibus aperuisse magno Catholicorum applausu, magnâ Arianorum confusione Amphilochius^f, & Zonaras^g testantur. Litanis Theodosium Imperatorem unā cum clero, & plebe perpetuis imbris imposuisse finem, post quos rei frumentariae ingens copia sequerat, Nicophorus Callistus^h affirmat. Litanis pestem, ac famem vehementissimam S. Heribertum Colonensem Archiepiscopum submovisse Abbas Tuitiensis iⁱ asseverat. Imperante Theodosio Proclus Constantinopolitanus urbem funestissimis terræ fragoribus concussum, Litanis & supplicationibus liberavit, ut Baronius^k, & alii^l narrant. Omni enim populo cum Patriarcha orante sublatum in aëra puer, & mox in terram reversus, sacrum Trisagion se ab Angelis didicisse testatus est, quem hymnum cum psallerent universi, terræ quassatio cessavit. S. Mammertus à Viennensi sua civitate, ut Ado m item Viennensis refert, gravissimos depulit terræmotus, ignes cœlitus delapsos, ferarum irruptiones, aliaque plurima pericula Litanis ad S. Juliani Basilikam institutis. Gregorius Magnus serpentum virus, & inquinariam pestem, qua Roma quotidianis cadaveribus complebatur, non semel Litaniarum precationibus avertit, ut in ejus vita Joannes Diaconus n scribit. Adversus bellicos incursus idemmet Gregorius o Litanias indixit, ut ex Epistolis ipsius constat. Occasione magni terræmotus, de quo Agathias p, actas quotannis Litanias anno 27. Justiniani Imp. docet Baronius q è veteri Historia. In creatione summi Pontificis cantatas Litanias apud eundem Baronium^r commemorat Anastasius Bibliothecarius. Exundantis Tyberis alluvionem Litaniarum munimine repressam idem s narrat ex eodem auctore. Easdem pro salute Urbis à Stephano Papa tertio frequentatas ipsomet Baronio s narrante

H h h h 3 didi-

f Amphiloch. in vita S. Basili. g Zonaras rom. 2.
 Amalium. h Niceph. Call. l. 14. cap. 13. i Rsp.
 Abb. in vita S. Heriberti. k Barone ann. 446.
 nu. 9. l Thedor. Balsamorad Can. 82. sexta Sy-
 nodi in Trullo. m Ado Vien. st. 6. n Jo. Dinc.
 lib. 4. o Greg. Ep. 45. l. 9. indic. 4. p Agat. l. 2.
 q Barone ann. 553. nu. 249. r Id. ann. 555. n. 10.
 s Id. ann. 717. n. 4. t Id. ann. 753. n. 3.

didicimus. Quidam vero praesidiis Adrianus Pappa ad petitionem Caroli Magni barbarem, & ferociissimam Saxonum gentem ad Christi fidem perduxit: nonne Litanis pro eorum conversione in tota ditione Romanae Ecclesiae celebratis, ut scribit Regino Abbas?^a Quibus artibus impurissimi Dæmones ab humanis corporibus multoties expulsi sunt? nonne efficacissimo Litaniarum exorcismo? Quâ ratione pluviarum illuviones submotæ, procellarum sedata tempestas, virulenta fulgurum vis repressa, devastantium flammarum extinctum incendium, clamata multorum salus postlimonio restituta, fideles anime è teterimo Purgatori ergastulo eductæ? nonne Litanis intimæ devotionis sensu recitatis?^b Quidam igitur studeamus hoc saluberrimo penitentialium Psalmorum additamento divinam nobis misericordiam conciliare? Misericors & miserabilis Dominus ad beneficia humano generi praestanda sua sponte proclivis accedentibus suffragiis omnium Sanctorum, ampliorem nobis tribuet donorum suorum largitationem.

^a Regino lib. 2. Chron. x Mart. del Rio disquis. magie. lib. 6. cap. 2. Siebert. an. 679. Abbas Ursperg. an. 527. Greg. Turon. de gent. Franc. lib. 2. cap. 34. Albert. Cranzius l. 2. metrop. c. 28. Greg. Cedrenus in Justiniano.

CAPUT XV.

De Psalmis Gradualibus.

§. I.

Quindecim Psalmis Gradualibus totidem gradus Christianæ perfectionis indicari. Vita spiritualis triplicem esse statum. De ascensione mentis in Deum. Quindecim animæ dignitates ex Abbe Celenensi.

I. Undecim Psalmi Graduales à 119. usque ad 133. quartis Quadragesimæ feriis præscripto in Breviariis ritu recitari debent. Quia enim hisce diebus decet nos solito sanctiores esse, Psalmos istos ad consuetæ servitutis penitum adjungiuntur, quibus etiam mo-

nem ad vitæ spiritualis perfectionem quibusdam veluti gradibus ascensum parari. Meminit horum Psalmorum, eorumque ritus Radulphus Tungrensis ^a. Ardo Monachus in vita S. Benedicti Anianæ Abbatis ^b refert, ipsum instituisse, ut ante nocturnam synaxim quinque Psalmi à Monachis recitarentur pro omnibus fidelibus in toto orbe terrarum vivis: tum quinque pro omnibus defunctis, totidemque pro iis, qui nuper defuncti erant. Sed istic fuerint Psalmi Graduale, non liquet. Ipsa autem Cantica graduum ternâ oratione distincta noctu à Monachis recitata apud Bollandum in vita S. Joannis Gorgia Abbatis cap. 9. die 27. Februarii commemorantur. Hic vero obiit anno 962. Ante Pium V. quotidie in Quadragesima recitabantur, ut notat Gavantus, & in antiquo uso Cluniacensi singulis anni diebus; itemque in veteri Breviario Vallisumbrosæ in omni die feriali. Græci Psalmos graduales concinnum omnibus diebus Quadragesimæ (præterquam Sabbatis, & Dominicis, & in die Annuntiationis) quibus utuntur mysteriis ante sanctificatis, de qua re extat Canon sextæ Synodi in Trullo. Post quos psallant Idiomelon diei, & Martyricum, & tria familiaria Triodii, & tria Calendarii, five Menæi, ut habetur in eorum Typicis, & Euchologijs. Hæc autem distinctio graduum, five à gradibus templi Salomonis desumpta sit, five ad vocem gradatum in canto exaltatam pertineat, five redditum de captivitate Babylonica in Hierusalem, aut aliud quidpiam secundum historię fidem respiciat, quod spectat ad spiritualem intelligentiam, mysticis animæ ascensionibus à sanctis Patribus Hilario ^c, Augustino ^d, Chrysostomo ^e, Gregorio Magno ^f, itemque à Cassiodoro, Remigio Ancisiadorensi ^g, & aliis applicatur. Ad supremum charitatis fastigium non nisi per gradus pervenitur: motus enim, & conatus humanæ voluntatis, sicut ad alia omnia, ita etiam ad perfectionem non repente fit summus. Notandum est autem ex Brunone Astensi in Psalmum 119. quod, cum quindecim sint Psalmi Graduale, non dicimus primum gradum, secundum gradum, tertium gradum.

^a Radulph. prop. 21. ^b Sex. syn. can. 52. ^c Hil. Pict. proce. in Ps. grad. ^d Aug. in eosdem Psal. ^e Chrys. in Ps. 119. ^f Gregor. in Ps. 129. ^g Casiod. & Remig. in Ps. 119.